



9. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Illuut A/S aqutigalugu Namminersorlutik Oqartussat illuutaannik tuniniaaneq pillugu Naalakkersuisunut apeqqutit:

- 1. 2014-mut Aningaasanut Inatsimmut atatillugu Naalakkersuisut illuni 420-ni attartortunut aappaagumiit illunik tuniniaaniarluni aalajangerneranut aningaaseriviit sunik naammagittaalliuteqarsimappat?**
- 2. Aningaaseriviit illuliornermullu atukkiisarfiit isumaat naapertorlugu qanormita illunik pioreersunik tuniniaanermut kinguneqassava, illut pineqartut tamarmik tunineqassagalarpata?**
- 3. Naalakkersuisut aningaaserivinniit illuliornermullu atukkiisarfinit mianersoqqussutinik sunimmita tigusaqarpat, Naalakkersuisut aalajangiusimassappassuk illut pioreersut tuniniakkat ataatsikkut illunik 420-nik ilaneqariataarnissaat?**
- 4. Naalakkersuisut inuinnaat illuinik pioreersunik taama amerlatigisunik ataatsikkut tuniniagassangortitsiniarnerat pillugu aningaaseriviit/illuliornermut atukkiisartut mianersoqqussutaannut Naalakkersuisut tusaanngitsuusaarsimappata tamannamita siunissami Illut A/S-p illulioriternernut taarsigassarsiniartarnissaanut qanoq kinguneqassava?**
- 5. Naalakkersuisut aamma aningaaseriviit/illuliornermi atukkiisarfiit naliliinerat naapertorlugu innuttaasut ataasiakkaat aamma suliffiit namminersortut siunissami illuliorinissaminnut imaluunniit suliffiliorinissaminnut atatillugu taarsigassarsiniarnissaannut qanormita kinguneqassava, illut ataatsikkut amerlasuut tuniniagassangortinnissaannut aningaaseriviit mianersoqqussutaat Naalakkersuisut tusaanngitsuusaaginnassappatigit?**
- 6. Naalakkersuisut ulloq 5. september GrønlandsBANKENimik, Bank Nordikimik Nykreditimillu ataatsimeeqateqarnissaat sioqqullugu aningaaseriviit sinniisaannik pisorta qarfinni sulisut ataatsimeeqateqartarsimanerlutik? Akissummi angertoqassappat paaserusuppara ataatsimiinnerni taakkunani illut 420-t**



**amerlanersaat ataatsikkut tuniniarneqarnissaannut
mianersoqqusisoqartarsimanersoq imaluunniit arlaannik assigusunik
oqartoqartarsimanersoq**

- 7. Kalaallit Nunaanni Sulisitsisut Peqatigiiffiata pisortatigoortumik illorpassuarnik tuniniaanissaq mianersoqqussutiginiuuuaa. Taamaakkaluarterli Naalakkersuisut uannut akissummini allapput Kalaallit Nunaanni Sulisitsisut peqatigiiffiat oqaloqatigineqarsimangitsoq pineqartoq pillugu. Naalakkersuisut sulissutiginiarnerlugu illunik tuniniaanissarsuaq pillugu Kalaallit Nunaanni Sulisitsisut Peqatigiiffiannik ataatsimeeqateqarnissartik?**

- 8. GrønlandsBANKEN, Bank Nordic aamma Nykredit suleqatigalugit Naalakkersuisut suligasuartussatut suleqatigiisitaliaata innersuussutissani qaqugumita naammassigunarpai aamma Naalakkersuisut pilersaarpat taakku innersuussutit tamanut saqqummiukkumaarlugit?**

- 9. 2014-mi Aningaaseriviit angusaat qanormita issappat Naalakkersuisut naatsorsuutigisaattut illut tunineqassanngikkaluarpata?**

(Inatsisartunut ilaasortaq Jens B. Frederiksen, Demokraatit)

Tunngavilersuut

2014-mut Aningaasanut Inatsimmi amingartoorutissat ikilisarniarlugit Naalakkersuisut illunik attartortittakkanik tuniniaaniarnerat pillugu Demokraatit sinnerlugit siusinnerusukkut Naalakkersuisunut apeqquteqarsimavunga. Naalakkersuisut akissutaat ullulernerqarsimapput ulloq 3. september. Akissutini arfineq-marloriarluni takuneqarsinnaavoq, Naalakkersuisut GrønlandsBanken ataatsimeeqatigissamaaraa ulloq 5. september. Paasisinnaavara tamanna pissutigalugu apeqqutima ilaat akineqarsinnaanngitsut.

Maannakkulli ulloq 5. september qaangiussimalerpoq taamaattumik apeqqutima ilaat arlallit apeqqutigeqqippakka peqataanillu allanik ilalaarlugit pisut ineriartornerat pissutigalugu.

Pissutaavoq Naalakkersuisut ulloq 6. september imaqqanngiusartumik tusagassiutinut nalunaaruteqarsimanerat, naatsumik oqaluttuaralugu, GrønlandsBanken, Bank Nordic kiisalu Nykredit ataatsimeeqatigineqarsimasut. Tusagassiutinut nalunaarummi takuneqarsinnaavoq suligasuartussamik suleqatigiisitaliortoqarsimasoq qimerloorniarlugit aningaaseriviit innersuussutaasa naatsorsuutigisaasalu ataqpineqarnissaannut periusissamik sananissaq, illunik tuniniaanerup innarlerneqannginnissaa, Landskarsip isertitassatut pisariaqartitai kiisalu attartortut



namminneq illoqalernissaannut Naalackersuisut politikkiat.

Demokraatini paatsuugassanngitsumik isumaqarpugut inuit amerlanerpaat nammineq pigisaminnik illoqartariaqartut pisortallu taamaallaat isumagisassagaat inuit arlaannik pissuteqarlutik namminneq illutaarsinnaanngitsut. Kisianni pisortat illuutaannik nioqquteqarneq ima sukkatigisumik pissanngilaq allaat illumik pigisaqareersut akorngusertussanngorlugit – aamma tamatuma akorngusissanngilaa inuinnaat illuliornissaminnut taarsigassarsinnaanissaat. Aamma pingaaruteqarpoq Illuut A/S-mut, namminersortunut taamatullu innuttaasunut ataasiakkaanut, illuliornermut atukkiisartut Kalaallit Nunaanni illuliornermut annertuumik aningaasalersuijuarnissaat.

Naalackersuisuusimasut aningaaserivinnik illuliornermullu atukkiisartunik ukiup affakkuutaartumik Kalaallit Nunanni ataatsimeeqateqartarnerannut atatillugu aningaaseriviit sakkortuumik innersuussutiginikuuat Namminersorlutik Oqartussat illuutaasa attartortunut sukkavallaamik tuniniarneqartassanngitsut (atuaruk: Illuut A/S). Tamatumunnga tunngavilersuutigineqarpoq Kalaallit Nunaanni illuliornermut atukkiisartut aningaasaliisarnerminnut kajumikkunnaarsinnaanerat. Naatsumik oqaatigalugu amerlavallaanik sukkasuumik tuniniaanerup illunik tuniniaaneq pioreersoq akorngusertussaammagu.

Naalackersuisut qinnuigaakka apeqqutit akeqqullugit tigusineraniit ullut sulliviit naligninnaasut qulit qaangiutsinnagit.